

ման տեղը նշեն և շմոռանան: Թվում է, թե այն սովորութիւնը, որ մինչև ննջեցյալին հողին հանձնելը գյուղում ամեն պարագայում, հողը փորելու, վարելու և այլն, աշխատանքը դադարեցվում էր, պետք է բացատրել այն երկյուղով—չլինի՞ թե հոգին իր մշտական կայանը որոնելիս սխալվի և շփոթութեան մեջ ընկնելով մի այլ փորած տեղ ապաստանի: Գուցե թաղման տեղը գտնելը հոգու համար դյուրացնելու նպատակով էր, որ հայկական գյուղերում գերեզմանի համար ընտրում էին լավ նկատվող վայր, մեծ մասամբ մի բլուր: Յոթ օր ննջեցյալի տեղաշարը չէին համարում և չէին լվանում, լնւան էլ՝ ճրագը անմար էին պահում, քանի որ նա դեռ պտտվում էր տան շուրջը և կարող էր ներս գալ և իր անկողնում ու իր շորերի մոտ պտտկելու փոխարեն մի այլ անկողին մտնել: Այդ յոթնօրյակում գրեթե անընդհատ տանեցիք և բարեկամները հավաքվում էին ու լացուկոծ անում նրա անկողնու և շորերի վրա, որպեսզի նա լսի, թե որչափ նրան սիրում էին և որչափ վշտացած են նրա հեռանալու համար, որովհետև այդ օրերին նա դեռ բույրովին հեռացած չլինելով, ամենից լավ կարող է լսել նրանց վիշտը: Այդ օրերը գլուխ չէին լվանում, չէին սափրվում, մազերը չէին խուզում, եղունգները չէին կտրում, անկասկած ոչ թե որպես սգի արտահայտութիւն, այլ երկյուղ կրելով, որ դեռ իր գերեզմանին լավ չընտելացած հոգին տան շուրջը պտտվելիս, շփոթի լվացվելուց, սափրվելուց, խուզելուց, կտրելուց, գետնին թափված մարմնի մասերը և դրանով նաև կօխի՝ վնասի նրանց տիրոջը⁹¹: Յոթ օր անցնելուց հետո օխան՝ յոթն էին կատարում գերեզմանի վրա, կրկնելով հոգեհանգստի ծիսակատարութիւնը և հօգէհացը: Ենթադրվում էր, որ դրանով հոգու շարունակ թափառումը տան շուրջը դադարում է և նա ավելի հաստատ կապվում է իր մշտական կայանի՝ գերեզմանի հետ: Սակայն եթե սգավորներին այցելում էին հեռու տեղից եկած ազգականներ և բարեկամներ, նորից մեջտեղ էին գալիս ննջեցյալի արդեն լվացված հագուստը, հավաքված անկողինը, վերակալում էր լացուկոծը, որով կարծես հոգին հեռացվում էր գերեզմանի մոտից և առիթ էր ստեղծվում, որ նա հարազատների տանը մոտենա: Ապա նորից խմբովին գնում էին գերեզմանատուն և նորից հոգեհանգիստ կատարում թարմ գերեզմանի վրա: Սրանով հոգին կարծես կրկին վերադարձնում էին գերեզման:

Այս բոլոր սովորութիւններից երևում է, որ Զանգեզուրի, ինչպես և այլ գավառների հայր, հոգուն վերագրում էր իրական, ունալ նյութական գոյութիւն: Դա ըստ Վունդտի տերմինաբանութեան Körperseele՝ մարմնի հոգին է: Ննջեցյալի վրա հոգեհանգիստ էր կատարվում բացի օխաից նաև քառսրնֆին⁹² և տարելիցին: Ենթադրվում էր, որ այդ առաջին տարվա ընթացքում նա դեռ շատ մոտ է մնում իր հարազատներին և համագյուղացիներին և այդ ենթադրութեամբ նա էլ հրավիրվում էր գյուղում կատարվող հարսանիքին: Փեսացուն ինքը կամ իր ներկայացուցիչը այցելում էր այդ տարի ննջեցյալ ունեցողներին տները՝ հետը բերելով օղի և գերեզմանի վրա հոգեհանգիստ էր կատարել տալիս ու հրավիրում տանեցոց հարսանիք: Այդ տունն այցելում էին հին տարվա վախճանին և նոր տարվա սկզբնավորութեանը, նստաւարդի կի-

⁹¹ Մասն ամբողջի փոխարեն—pars pro toto:

⁹² Արդյոք այս օխաի՝ յոթնի և քառսրնֆի հետ շունի՝ մի որոշ մտայնական կապ այն, որ երեխային սովորաբար մկրտում էին յոթներորդ օրը, ծննդկանը պիղծ էր համարվում քառասուն օր շարունակ, քառսրնֆ էր պահում: Այստեղ էլ յոթ և քառասուն թվերը ունեն մոզակաճ նշանակութիւն, ինչպես և ունեն երեխայի ծննդից հետո: